

CADANGAN BUAT KERJA SAMPINGAN

FOKUS

DARI MUKA 1

Pensyarah Kanan Jabatan Ekonomi Fakulti Ekonomi dan Pengurusan Universiti Putra Malaysia (UPM) Dr Mohd Yusof Saari berkata sebenarnya terpulang pada siswa bagaimana mahu menggunakan bantuan kewangan disediakan.

Menurutnya nilai yang diberikan tidak perlu dijadikan isu utama kerana pinjaman itu bukanlah untuk menanggung keseluruhan hidup siswa tapi sebagai membantu meringankan keperluan tertentu saja.

"Maksud keperluan penting itu seperti pembayaran yuran pengajian, yuran asrama serta pembelian buku dan makanan.

"Jika hendak beli selain daripada itu contohnya telefon bimbit, kasut dan sebagainya, bantuan kewangan yang disediakan itu sudah tentu tidak mencukupi.

"Sebab itu ia dinamakan pinjaman pendidikan iaitu membantu bagi tujuan pengajian bukannya mencukupkan keperluan berbentuk kehendak peribadi," katanya.

Menurutnya, ramai yang tidak peka malah sebahagian besarnya menyalah gunakan bantuan itu bagi tujuan selain daripada pengajian.

"Kita tidak menolak wujudnya kemungkinan golongan itu mempunyai kehendak pelbagai dan sebagai manusia, keinginan untuk membeli pelbagai barang adalah normal.

"Tapi pada masa sama, mereka perlu sedar dan berfikir dengan waras apa yang diberikan itu bukan bagi tujuan memenuhi kehendak kurang penting.

"Sebaliknya ia hanya sebagai bantuan sokongan supaya mereka boleh melunaskan keutamaan pengajian dan bakinya bagi menampung sedikit sebanyak kos sara diri sendiri sepanjang tempoh di menara gading."

katanya yang turut tidak menyangkal wujudnya sifat lupa diri apabila duit pinjaman diperoleh.

Beliau berkata situasi itu tidak membabitkan semua siswa tapi kelompok berkenaan memang ada dan sebenarnya sangat merbahaya.

"Mereka tidak berfikir panjang, berbelanja mengikut kehendak melampau kerana



PINJAMAN yang diberikan bukan percuma kerana ia perlu dibayar semula kecuali jika memenuhi syarat-syarat tertentu. - Gambar ilustrasi

dorongan faktor tarikan termasuk melihat gaya hidup rakan dan pengaruh media massa.

"Benar nilai yang diperoleh itu ada kalanya mencecah hampir RM2000,00 bersih tapi ia sebenarnya tidak banyak untuk menampung kos sara diri dan pengajian satu semester pun," katanya.

Pada masa sama, beliau mengingatkan pinjaman diberikan itu bukanlah percuma sebaliknya perlu dibayar.

Kecuali jika anda memperoleh keputusan kelas pertama, ia akan diubah sebagai biasiswa.

"Jika keputusan biasa-biasa saja, anda perlu membayar semula jumlah berdasarkan syarat dipersebutui.


"Ramai yang terlupa atau buat-buat lupa mengenainya, jadi apabila sampai masa bayaran balik barulah rasa menyesal kerana tidak dimanfaatkan sepenuhnya dulu," katanya. Mengulas cara yang

boleh digunakan bagi menambah pendapatan siswa sebagai menampung kehendak diri, beliau mencadangkan agar mereka melakukan kerja sampingan. Itu boleh dilakukan dengan syarat tidak sampai mengganggu keutamaan mereka belajar atau melaksanakan tugas pengajian.

"Seperti mencari kerja pada hujung minggu atau cuti semester dan duit diperoleh itu boleh menampung atau



PINJAMAN pendidikan diberikan sebagai satu pemudah cara kepada siswa melanjutkan pengajian, oleh itu manfaatkan ia dengan sewojinya. - Gambar ilustrasi



ANTARA keperluan utama yang perlu digunakan siswa dengan menggunakan duit pinjaman ialah membeli buku rujukan bagi memudahkan lagi proses pengajian di kampus. - Gambar Google



JANGAN gunakan pinjaman diberikan untuk menjalani kehidupan seperti orang sudah bekerja kerana ia akan menyusahkan kehidupan siswa akhirnya. - Gambar Google



GRADUAN seharusnya bersyukur kerana dengan bantuan pinjaman pendidikan boleh membantu mengurangkan bebanan kewangan mereka sewaktu di menara gading. - Gambar hiasan



memenuhi kehendak tanpa perlu menggunakan duit pinjaman.

"Cara ini lebih bertepatan dan saya percaya jika mereka berasa susah payah mencari wang, mereka pasti menghargai setiap sen yang ada," katanya.

Menurutnya, pinjaman yang diberikan pada masa sekarang juga tidak sepenuhnya dan mengikut kadar bersesuaian berdasarkan syarat tertentu seperti pendapatan ibu bapa.

"Dengan jumlah itu, sememangnya ia tidak mencukupi namun itu juga bukan alasan golongan itu tidak boleh melaksanakan langkah penjimatan.

"Yang menakutkan, apabila jumlah diberikan semakin sedikit, tapi gaya berbelanja siswa ini tetap sama.

"Akhirnya, pinjaman itu habis digunakan bukan untuk tujuan belajar sebaliknya perkara sia-sia," katanya.

Antara langkah yang beliau sarankan untuk membantu siswa menjimatkan kos ialah perkongsian bersama rakan untuk memasak jika tinggal di luar asrama, mengurangkan pembelian barang tidak penting selain mengambil inisiatif melaksanakan kerja sampingan.

Saya percaya jika mereka berasa susah payah mencari wang, mereka pasti menghargai setiap sen yang ada

DR MOHD YUSOF



JANGAN mudah terpengaruh dengan gaya hidup orang lain sekali-gus menyebabkan kegunaan utama pinjaman pendidikan dicabut guna. - Gambar Google



SEKIRANYA ingin memenuhi kehendak peribadi, ambillah insitif untuk bekerja sambilan namun dengan syarat ia tidak mengganggu pelajaran. - Gambar Google